

Saksprotokoll i Utval for kultur, idrett og regional utvikling - 15.02.2017

Kjell Håland (A) sette på vegner av A, KrF, Sp, H og V fram slikt forslag til nytt pkt. 4:
«Hordaland fylkeskommune vil fraråde å lempe på krava til tilgjenge og funksjonalitet i mindre bustadar. Ein tilgjengeleg og funksjonell bustad er ikkje berre for den/dei som bur der, men også for dei som er på besøk der. Behovet for utsikt og storleik på balkong og toalett må ivaretakast.»

Geir Kjell Andersland (V) sette fram slikt forslag til vedtak:
«Tillegg innskudd i pkt. 1 – Hordaland fylkeskommune er *i hovudsak* positive.....»

Røysting

Andersland sitt forslag vart vedteke med 11 røyster mot Frp sine 2 røyster for fylkesrådmannen sitt forslag.

Fylkesrådmannen sitt forslag til pk. 2 og 3 vart samrøystes vedteke.

Håland sitt forslag vart vedteke med 11 røyster mot Frp sine 2 røyster.

Vedtak

1. Hordaland fylkeskommune er i hovudsak positiv til at byggteknisk forskrift (TEK 17) vert forenkla, særleg utifrå målet om billegare bustader.
2. Det er både eit nasjonalt og eit regionalt mål å utjamne sosiale helseskilnader. Hordaland fylkeskommune meiner at lempingar i forskrifta særleg knytt til dei minste bustadane, kan bidra til utilsikta verknader som auka sosiale helseskilnader.
3. Universell utforming av samfunnet er eit viktig bidrag for å inkludere fleire på ein likeverdig måte. Målet om lemping av krava til tilgjenge kan slå negativt ut for befolkningsgrupper som har størst trong for bustader med god funksjonalitet og kvalitet.
4. Hordaland fylkeskommune vil fraråde å lempe på krava til tilgjenge og funksjonalitet i mindre bustadar. Ein tilgjengeleg og funksjonell bustad er ikkje berre for den/dei som bur der, men også for dei som er på besøk der. Behovet for utsikt og storleik på balkong og toalett må ivaretakast.»